



## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 113. Aliæ propositiones ab inquisitore ad Facultatem transmissæ, ac censuris notatæ.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul, XVI.  
A.C. 1557.

§. CXIII.

Alicæ propositiones ab Inquire ad  
Facultatem transmissæ, ac cen-  
suris notatæ.

Argentre  
p. 182.

Die duodecima ejusdem Mensis Augusti eadem Facultas Sorbonnæ congregata condemnabat itidem alias propositiones, quas Leonardus Floreau Ordinis S. Dominici, ac Burdegalenfis Inquisitor apud eandem deferebat. Harum prima his erat concepta verbis: *Deus non adoratur sub rebus visibilibus, ac palpabilibus, sed solum in Spiritu, & veritate.* Hæc propositio, quam idem Chefdevillus in feria sexta, dum Evangelium de muliere Samaritana explicabat, enuntiaverat, ex integro censebatur esse hæretica.

II. Explicans hæc Christi Domini verba: *Omne, quod intrat in os &c. asseruit: Deus non curat, an carnibus, vel piscibus vescamur, vel an vinum album, vel rubrum bibamus; omnia enim creavit propter hominem, cui etiam illis uti permisum est, dummodo omnia cum gratiarum actione sumat.* Hæc propositio, inquit Facultas, quatenus detrahit providentiæ divinæ, est blasphema, & quatenus tollit delectum ciborum, est hæretica.

III. So-

III. *Solus Sabbati dies est sanctificandus, atque observandus.* Hæc propositio, uti sonat Facultatis censura, tollens obligationem festa per Ecclesiam præcepta sanctificandi est tanquam hæretica condemnanda.

Sæcul. XVI.  
A.C. 1557.

IV. Dum hic Concionator hæc verba Epistolæ primæ ad Corinthios cap. 10. exponit: *Quotiescunque manducabitis panem hunc &c.* hæc effatus est: *Quilibet sese intra suum cubile recipiat, postquam alter alteri reconciliatus est, in sua tamen hac expositione nullam mentionem facit de confessione, seu reconciliatione Sacramentali, quapropter hæc propositio tanquam de hæresi suspecta proscribatur.*

V. Exponens Evangelium de epulone divite ajebat: *Infernus non alius erat locus, quam locus, ubi est sepultura corporum illorum, qui e vivis excefferunt.* Hæc propositio tanquam hæretica, & jam dudum damnata configebatur.

VI. Loquens de jejunio, & abstinentia dixit: *Innumeri dantur abusus, meliusque foret, si refectioem suam sæpius, & sobrie quivis sumeret, quam semel, sed abundanter.* Hæc propositio, inquit Facultas, quantum ad secundam partem, in qua tollit jejunium Ecclesiæ, est erronea, & schismatica.